

Jon Mon Kumna Połpu Gos Wumb Kin Kindim

Konj Kunum Kunum Mołulum Pułwu Ei Krai

¹ Sin Jiisas nge er se endim wumb mon ei połpun kin, enim ngonmun ei, konj kunum kunum ek Pułwu Jiisas Krai eim kumb ok kunum kunum mułum. Mołpu kin, sin eim ek nim piinjpin. Piipin kin, eim sin sinim ningil ełe kenjpin ei, keimi sin eim mendpil kenjpin kanpin kin nga si sinim angil ełe eim ngenj ei embilnjpin ku.

² Nga konj kunum kunum mołulum pułwu Jiisas Krai ei, eim peni ełe wang kin, sin sinim kenjpin kin, nga eim ek ka piipin kin, enim kin noman konj kunum kunum mołulum ek ei, ni tor kindinjpin.

³ Kindpin kin, sin Krai eim kin ek nipin kin, peni ełe kindinjpin ei, sin kanpin kin, nga piipin enjpin epi ei, pei nipin kin, enim kin ngonmun. Ngopun kin sin yi ku, enim kin pei kun ka pepin mołpun kin, noman dampiltpin se ende kindpin kin, Erinjpin Gos kin, nga eim kingam Jiisas Krai kin, noman ende sepin mułmun.

⁴ Nga sin mon ek ei połpun kin, enim ngonmun ei, sinim pei noman ka seng mułmun ei, sinim nge noman ełe piki tumba.

Sinim Gos Nge Tilang Ełe Andpin Mołmun

⁵ Pe sin ek ei, Gos nge kingam kin piipin kin enim kin ni ngupun. Ngumun ek ei, Gos eim

tiŋang puŋwu moŋum. Moŋum konu ei, emii endi, eim moŋum konu eŋe, pepi mandi punanim mon!

⁶ Pe nga sinim moŋpun yi nimin, “Sin Gos kin dambilpin o ende punmun,” nimin; ba emii paŋim miŋ, oŋ kis kanim kanim ermin ei, sin sinim gupu eŋe, ek kend topun kin nga oŋ ende enmin ei, ek kend paŋim ku. Nga sinim oŋ kun ka keimi andŋam eŋe andnaŋmin mon!

⁷ Ba nga sinim tiŋang enim miŋ, oŋ kun ka yi pepin moŋmun ei, Gos eim tiŋang enim konu moŋum miŋ, nga sinim enginpin noŋ kin, dambilpin o ende pupun kin, pepin moŋpun andpin yi erpin muŋmun. Muŋamin kin, nga Gos kingam Jiisas miyem eŋe, kapŋi sinim oŋ kis kanim kanim kil ngopu kin, kunum kunum si kindmba.

⁸ Pe sinim yi nimin, “Sin noman tuk eŋe, oŋ kis eŋmin oŋ endi pinaŋim,” nimin ei, sin sinim kin ek kend topun ngonmun. Ngopun kin, nga ek keimi ei, sinim ekii sinenpin kin, nga ek keimi ei sinim noman tuk eŋe, pinaŋim ku.

⁹ Ba pe nga, sinim oŋ kis kanim kanim enmin oŋ ombu ni, peni eŋe tor kindpin Gos ngunpun kin, kapŋi Gos oŋ kun ka eŋim Gos, eim oŋ kis ombu pei, kil ngopu kin, si kindpi poru nimba.

¹⁰ Pe nga “Sinim oŋ kis kanim kanim enenpin,” pa nimin ei, “Gos ek kend wu” pa nimin. Nga Gos eim ek keimi ei, sinim noman tuk eŋe pinerang kin, nga sinim ekii sinermin mon ku.

2

Jiisas Krai Ei Sinim Paki Toŋum Wu

¹ Na mon ei pułup kin, enim kin ngond. Na Gos ek ka ninj ei, pii gii ninjing kanggi ambil mołmun ei, Gos tilap ełe mołmun ei kin, ek nip kin, mon pułup ngond. Ei enim oł kis kanim kanim enerngii; ba wumb endi oł kis kanim kanim endi enjing kin, sinim nge mołmun wu oł kun elim endi mołum ei, Jiisas Kraiss ei kapli, eim nimba mił ei, dinga nip kin, Erinjpin Gos sinim kin ngumba.

² Sinim oł kis enjpin ei, Gos sinim kin popuł sim kumep kis ei, Kraiss eim kołpu kin, Gos nge popuł kis ei eim sim. Sipi kin, sinim nge oł kis mendpił mon; ba ya mani mei wumb oł kis pei enjing ei nge, oł yi mił erim.

³ Pe nga sinim Gos nge ek dinga ełe ekii sinjpin kin, sinim pii poł tumun ei, sinim eim kin keimi piipin kanpin kin, pii poł topun mołmun.

⁴ Pe wumb nii endi yi nimba, “Nanim eim pii poł toł” nimba; ba Gos eim ek dinga ełe, ekii sinarpi nim kin, wumb ei eim ek kend wumb mendpił mołum. Mołpu kin, Gos ek keimi ei, eim kin pinalim mon.

⁵ Ba wumb nii endi, eim Gos ek dinga ełe, ekii simba ei, kapli Gos noman kultum oł ei erpi kin, kun mendpił kindpi pałim. Peng kin, sinim pii poł tumun ełe nge, sinim Gos kin dambiltpin ende pupun kin eim nge wumb mołmun.

⁶ Wumb nii endi, “Nanim Gos kin dambiltpi ende moł,” pa nimba, ei eim kapli, Jiisas Kraiss kongun erpi pepi, mołpu pum mił, yi mił ku, wumb ei eim yi ermbe.

Ek Dinga Konj

⁷ Nanim nge wumb pul; ek dinga ei, na pulup nip kin, enim kin ngond ei, ek konj endi mon; ba enim ek dinga oknge ei, enim ok piik sik erik ek dinga ei, enim ok ek dinga ei piik si kindik kin piik poru nik.

⁸ Nik kin, nga ek dinga ele na polup kin, enim ngond ei, ek konj endi palim. Peng kin, ek dinga konj ei, ek keimi ei Krais nge ol kun ka elim ol ei nin, nga enim enmin ol kun ka ei nin, sin kenjpin ku. Nimbil erang emii pim ol kis ei, si kindpi punum. Pang kin, nga ol kun ka keimi ei, pe tilang erang kin, ol ei peni ele onum.

⁹ Wumb nii endi, eim yi nimba, “Nanim tilang enim ol kun ka er mol,” pa nimba; ba eim angim kin noman kis pii ngopu kin, yi ermba ei, eim ol kis emii palim konu ele piram molpu andpi kin, akip yi ku, konu ele piram er molum.

¹⁰ Pe nga, wumb nii endi, eim angim noman ngozum wu ei, eim tilang kun ka konu ele molum. Molpu kin, nga eim tilang kun ka konu ele piram molpu kin, kapli ol kis min epi endi eim kin pinerang kin, kapli eim min wu eipi endi, bok tok kin ol kis endi erngii ei, pinaim mon.

¹¹ Ba wumb nii endi, eim angim kin noman kis piimba wu ei, eim emii pim konu kis ele piram molpu kin andpi punum. Pupu kin, eim konu jili mil ba konu ei, eim kan kun enerim. Nimbil erang emii pim konu ol kis ei je erpi kin, eim ningil ele to tumbun mil mundang kin, eim emii konu ele andpi er molum.

¹² Na mon ei polup kin nanim kangi ambil nol enim kin ngond. Nimbil erang enim ol kis kanim

kanim enjing ombu, Kraias Jiisas nge embe ele, enim oł kis ei, eim kil ngopu si kindpi, poru nim.

¹³ Na mon ei połup kin, enim ernjing kin ngond. Nimbił erang enim Jiisas piinmin ei, eim kumb ok kumna kin multum ei, pe piram mołum ku. Na mon połup kin, enim wu kangi wu kin ngond. Nimbił erang enim dinga peng kin, wu kis Seisen kamb mani kindik kin, enim dinga angk mołmun.

¹⁴ Na mon połup nip kin, enim kangił ngond. Nimbił erang enim Erinjpin pułwu eim pii poł tok mołmun. Na mon połup nip kin, enim ernjing ngond. Nimbił erang enim Jiisas kumb ok kumna multum ei, pe piram mołum ei piinmin. Nga na mon połup kin enim wu kangi wu ombu ngond. Nimbił erang enim dinga angk mołmun. Mol k kin, Gos ek ka enim noman tuk ele pepi mołum. Mołpu kin enim dinga peng kin, Seisen wu kis kamb mani kindnim.

¹⁵ Enim ya mei ele pii gii ninenjing wumb nin, mei oł kanim kanim elmin oł ei nin, enim noman kulerngii mon! Pe nga wumb nii endi mei ele pii gii ninenjing wumb nin, mei oł kanim kanim oł ei, noman ngum kin, wumb ei Erinjpin Gos kin noman kultmun oł ei, eim kin pinerim mon.

¹⁶ Yi mił, pii gii ninenjing wumb oł kanim kanim pei elmin oł ei nin, nga epi oł kis kanim kanim simin nik noman palim ei nin, nga wumb kanik kin simin ni piinmin oł ei nin, nga epi kanim kanim mei ele salim ei wumb en enim nilkeng sinmin ku. Epi kanim kanim ombu ei, Gos kin tonu onanim mon; ba epi ombu pei, ya mei ele wumb nge noman ele tonu onum.

¹⁷ Nga mei ele wumb nin, nga epi kanim kanim

wumb simin ni piinmin epi ombu ei, am pupu poru nimba; ba wumb nii endi, Gos nge noman enim epi ei enjing kin, kapli enim konj kunum kunum molk pungi.

Krais Nge Opu Orung Wu Kis Endi Omba

¹⁸ Nanim kingnan ambilan noꞤ; sinim muꞤ mei poru nimba kunum ei, mandi enim. Nga enim piik enjing ni, Krais nge opu orung wu kis endi omba. Yi miꞤ peng kin, Krais nge opu orung wu kis pei peni eꞤe tor onmun ei, wumb ombu kanik yi enmin. Erik kin, sinim piinmin ei, muꞤ mei poru nimba kunum ei, mandi erpi poru ninim.

¹⁹ Yi miꞤ, opu orung wumb ombu sin nge pii gii ninjing wumb tiꞤap ei, ende miꞤ mon. Yi peng kin, opu orung wumb ombu sinim kin si kindik punjung. Puk wumb ombu sinim nge tiꞤap ende piꞤang kin, kapli sinim kin tep to muꞤuꞤamin; ba en enim si kindik punjung ei, pangin kin, sinim piinmin ei, wumb ombu sinim nge tiꞤap ende mon.

²⁰ Ba Krais enim kin Gos Gui Ka bein tang kin, nga pe enim pei ek keimi piik poru ninmin.

²¹ Na enim kin mon konj endi poꞤup kin, enim ngonand mon. NimbiꞤ erang enim ek ei, piinaꞤmin eꞤe nge mon; ba enim ek keimi piꞤamin. Piik kin, nga ek kend endi, ek keimi kin tor onaꞤim mon ni piꞤamin.

²² Wumb nii endi, ek kend toꞤum wu moꞤum. MoꞤum wu ei, “Jiisas ei Krais Gos kindim wu mon,” pa nimba wumb ei, eim ek kend toꞤum wu moꞤum. MoꞤum wu ei Gos kingam Jiisas kin ouni buꞤ ngopu kin, ek ningiꞤ ei, ekii sinarpi kin, Gos kindim wu Krais nge opu orung wu moꞤum.

²³ Pe wumb nii endi, Gos kingam kin, buł ngopu ekii sinanim ei, yi ku Erinjpin Gos kin buł ngopu kin ekii sinanim ku. Nga wumb nii endi, Gos kingam kin pii gii nipi kin ni tor kindnim ei, eim Erinjpin Gos kin pii gii nipi kin ni tor kindnim ku.

²⁴ Enim ok piinjing ek ka piik kun erik mułngii! Enim ok piik ek ka ei pıram ambił gii nik kin, pii gii nik, mulnjung kin, kaplı yi mił ku, enim Erinjpin Gos kin eim kingam Jiisas kin dambiltik se ende pu molk kin, pungii.

²⁵ Nga Kraıs eim ek dinga ni pendrim mił yi ninim, “Enim noman konj kunum kunum mułngii ei nge ngumbii,” pa nirim.

²⁶ Na mon ek ei połup kin, enim kin ngond ei, Jiisas nge opu orung wumb ei, enim kin ek kend tok ngok ol kun pinalim mił erngii.

²⁷ Ba Kraıs, eim nge Gui Ka enim kin bein topu ngum ei, eim enim kin noman tuk ele tep to mołmbuł. Pe nga enim wumb epi eipi endi enim andan topu kin, yi enermba mon. Yi mił erang, Gos Gui Ka enim kin epi kanim kanim pei andan top ngonum. Ngang kin, sin noman tuk ele ni piipin kin, Gos Gui Ka eim andan tonum epi ombu ei, ek keimi kun mendpił pałilim. Pepi kin nga ek kend endi pinalilim mon. Yi mił peng kin, Gos Gui Ka enim andan tum epi ombu, ekii singii. Sik kin Kraıs kin dambiltik se ende pu molk kin pungii.

²⁸ Nga pe nanim kingnan noł; enim Kraıs kin dambiltik se ende pu molk kin ekii sik erngii. Erangin kin, sinim noman dinga sik erik molk kin, kunum ele, Kraıs eim orung omba kunum ei, sinim singambił peng kin, nga koi erpin yi enenmin mon!

²⁹ Nga enim piinjing kin, Kraiss eim wu kun ka mendpił mułum kin, kaplı enim yi mił keimi ni piik kin, wumb endeim endeim ni pei oł kun ka mendpił enjing kin, kaplı wumb ei, Gos nge kingam noł mułngii.

3

Gos Nge Kangi Ambil Not

¹ Enim piyei! Sinim Erinjpin Gos sinim kin noman ka owundu ngołum. Ngang kin, sinim kin noman ka ngopu ei, owundu mendpił ngołum. Yi erang kin, sinim eim kangi ambul not mołmun. Keimi sinim Gos nge kingam ambul not mendpił mołmun. Ba mei ełe pii gii ninenjing wumb ei, Gos kin kanik kin pii kun enarik mołmun. Pii kun enarik kin, yi ku, sinim kin kanik kin, pii kun enalmin mon ku.

² Nanim angnan not; pe sinim Gos nge kingam ambul not mołmun; ba ekii se sinim wumb mołmun mił ei, sinim pii kun enanmin. Ba sinim piinmin ei, Jiisas eim orung omba kunum ei, sinim eim keimi kenmin. Kanpin kin, nga eim mułmba mił ei, sinim yi ku mułmun.

³ Nga wumb nii endi Kraiss eim orung omba ni kui er piipi mułmba wumb ei, eim kaplı kun ka mendpił mułmba. Mołpu kin, Jiisas eim kun ka mendpił mołum mił ei, yi ku mułmba.

⁴ Wumb nii endi, oł kis kun pinalim mił ermba wu ei, Gos lo ek ełe palim mił, ekii sinarpi kin, lo ek ei to pulpeł to kindim. Oł kis enim wu ei Gos lo ek ełe ei to tor kindnim.

⁵ Enim piinmin ei, Kraiss eim opu kin, wumb oł kis ei kil ngopu si kindmba nge orum. Orum ei,

Krais eim oł kis endi eim kin pineririm. Pinerang kin, Krais eim kapłi, oł kis kil ngopu si kindmba.

⁶ Nga wumb nii endi, eim Krais kin pii gii nipi kin, dambiltpi se ende pu mułmba wu ei, eim oł kis kun pinerim mił, endi enermba mon! Ba wumb nii endi, eim kunum kunum oł kis elim wu ei, eim Jiisas kinarpi kin, nga piipi poł topu enałim mon ku!

⁷ Nga nam kingnan noł; enim wumb endi, kan wiik tangin kin, enim kin ek kend tok sipik, andłam kun sinermba konu ełe sipnerngii mon! Wumb nii endi, oł kun ka pałim mił, elim wumb ei, eim kun ka mendpił mołum. Mołpu kin, eim Krais eim kun ka mendpił mołum mił ei yi mił ku mołum.

⁸ Nga wumb nii endi, eim oł kis, kun pinałim mił erpi mołum wumb ei, eim Seisen nge wumb mendpił mołum. Nimbił erang Seisen eim ok kumna kin, oł kis kun pinałim mił eririm? Yi mił erang, Gos eim kingam ya mani mei ełe orum ei, ei pułe yi mił, Seisen kongun ei, to pułpeł to si kindmba nge orum.

⁹ Nga wumb nii endi, eim Gos nge wumb endi tonu opu mułmba ei, eim oł kis kun pinerim mił ei enermba mon! Nimbił erang Gos eim nge oł kun ka oł ei wumb ei kin, noman tuk ełe mołum. Mołpu kin, nga Gos eim arim kun ka mołum mił ei, eim kapłi Gos kingam tonu opu kin, eim oł kis kun pinerim oł ei, nga kunum kunum enermba mon!

¹⁰ Ełe nge yi mił, ni piinmin ei, Gos nge kingam noł nii ombu mołmun. Nga Seisen nge kingam noł nii ombu mołmun ku. Kapłi wumb nii endi,

eim ol kun ka mił enalim ei, eim Gos nge kingam mił molałim mon ku. Nga eim angim noł noman kularpi kin, yi ermbe wu ei, eim Gos eim nge kingam molałim mon ku; ba Seisen nge kingam wumb mendpił mołum.

Wumb Endi Kin Noman Kultmun Ol

¹¹ Yi mił ek ele nge, kumna mendpił kunum ei, enim ek ei piik enjing mił ei, sinim wumb endi noman kultmun ol ei, nga wumb ei sinim kin, noman kulangin yi ermin.

¹² Nga sinim kapli Andam kingam Kein eririm mił, sinim yi enermin mon! Eim Seisen nge wu mołpu kin, eim angim mendpił to kundrum wu ei, eim ol kis mendpił eririm. Nimbił erang Kein eim angim mendpił Eipel to kundrum? Nimbił erang eim eririm ol ei, kun pineririm; ba eim angim nge eririm ol ei, kun ka pirim.

¹³ Yi mił nanim angnan noł; wumb pii gii ninenjing wumb ei, enim kin ek kis nik kin, opu orung erik yi erngii ei, enim noman to piinerngii mon!

¹⁴ Yi mił sinim ni piinmin ei, sinim wumb kulii konu ele si kindpin kin, nga sinim noman konj sinjpin. Nimbił erang sinim enjpin noł kin noman kululmun. Nga wumb nii endi eim wumb kin noman kulałim wu ei, eim wumb kulii konu ele mił piram mołum.

¹⁵ Nga wumb nii endi, eim angim kin ek kis nipi kin, nga eim noman kularpi ermbe, wu ei, eim noman tukrung ele, wu angim ei to kundmba mił pim. Pe nga enim ni piinmin ei, wu endi eim wumb to kondnum wu ei, eim noman tuk ele

kin noman konj kunum kunum salilim ei, piram mulalim mon.

¹⁶ Ete nge yi mił, sinim ni piinmin ei, wumb noman kultmun oł ei, pułe yi mił pałim ei sinim piinmin. Nimbil erang, Krajs eim noman konj sinim kin ngopu kin, ond peri ete kulum. Kulang kin, pe sinim kapli, Krajs enim oł ei mił ku, sinim enginjpin kin, yi erpin kin, sinim noman konj ei, wumb kin paki topun ngumun.

¹⁷ Ba pe wu endi, eim mei ete, epi kanim kanim pei seng kin, nga wu angim endi, epi sinerang mulmba wu ei, eim kanpi kaimb sipi kin, paki tunarpi yi ermba wu ei, eim Gos noman ngolum oł ei, nipe mił wu ei, eim noman tuk ete piram pałim?

¹⁸ Yi mił nanim kingnan noł mił mołmun! Sinim wumb noman kultmun pa ni gupu ete ni, mon ek yi ninermin mon; ba wumb noman kultmun, pa nimin ei, keimi pimba nin, nga oł keimi ermin yi ku ermin.

Pii Gii Wumb Gos Ningil Ete Gal Kulalmin Mon

¹⁹ Oł ete nge, sinim piinmin ei, sinim Gos nge ek keimi ete mołmun ni piinmin. Piipin kin, sinim Gos nge kumb ete angpin mołmun ei, sinim noman emin pei tonu wang kin, dinga pupun engmin.

²⁰ Pe nga, sinim noman tuk ete, sinim kin kos er ngopu erim kin, kapli sinim Gos kumb ete angpin kin, sinim noman emin sepin piipin mulmun. Yi mulamin kin, Gos eim owundu mendpil mołpu kin, tonu pupu kin, eim sinim kin noman tuk ete

ngołum ku. Nga Gos eim epi kanim kanim pei piłim ku.

²¹ Yi mił angnan noł! Pe sinim noman tuk ełe, sinim kin kos er ngopun yi enenjpin ni piim kin, kaplı sinim Gos kumb ełe engnim ełe, gał kulermin mon; ba sinim kaplı eim kii simba ei, sinim ek nipin orung kindmin.

²² Kindpin yi enjpin kin, eim ek dinga nim ełe nge, nga eim noman ełe pałim ei mił enjpin kin, kaplı sinim nipe epi endi eim kin kii sinjpin kin, kaplı eim sinim ngumba.

²³ Nga Gos eim nge ek dinga nim ei yi mił, “Sinim eim kingam Jiisas Kraıs embe ełe, pii gii nipin kin, nga sinim wumb eipi eipi noman kultmun ei yi erngii mił,” pa ni Kraıs eim ek dinga nipi kin, sinim kin yi ni ngurum.

²⁴ Yi mił wumb nii endi, Gos eim ek dinga nim ek ei, ekii sik ninim mił erngii wumb ei, eim Gos kin dambiltpi se ende pu mołum. Mułang kin, nga Gos eim kin mołum ei, eim nge Gui Ka sinim kin ngopu kin, eim sinim kin kunum kunum mułang kin, sinim kaplı Gos eim mołum mił pii poł tumun.

4

Gos Gui Keimi Endi Kin Gui Kend Endi Kin

¹ Nanim angnan noł mołmun. Pe wu kombur ok, enim kanik kin, ek endi yi mił ningii. Sin Gos nge Gui Ka sinjpin yi ningii ei, enim pii gii ninerngii mon; ba kumb se, enim kaplı, ek ełe kii sik, mok tok kin, kanik pii poł tungii ei, ek kun keimi ninmin gui ei, Gos kin onum min, ek kend tonmun. Yi mił erang, wumb pei kombur

andik kin, ek kend tołmun wumb ei, oł ekii se tonu omba ni tor kindiłmin wumb molk kin, ek kend kun pinałim mił nik kin, mei konu ełe orung orung andik pulmun.

² Oł ełe nge, enim ni piinmin ei, Gos Gui Ka ei ek nipi ngołum. Ngopu kin, wumb nii endi, opu kin yi nimba ei, “Gos eim kingam ya mani mei ełe orum ei, eim wu keimi ngenj ełe sinim pałim mił, yi ku pirim. Kapłi, Gos Gui Ka ei, wu eim noman tuk ełe mołum wu ei, Gos ek keimi nipi tor kindnim.”

³ Ba nga wu nii endi opu kin, yi nimba ei, “Jiisas Kraias eim Gos kin mani mei ełe opu kin, ngenj ełe keimi pinerim,” pa nipi wu ei, eim Gos Gui Ka eim kin mulerim mon. Mularpi kin, wu ei Jiisas Kraias nge opu orung wu mołum. Mołpu kin, enim piinjing ek ei nge, ya mei ełe tonu omba ninjing mił, pe ya mei ełe, keimi mendpił tonu onum.

⁴ Ba nanim kingnan ambilał noł; enim Gos nge wumb tilap mendpił mołmun. Molk kin, ya mei ełe, ek kend tok ni tor kindiłmin wumb Jiisas nge opu orung wumb ei, dinga mołmun; ba Gos nge Gui Ka enim kin mołpu kin, dinga mendpił ngołum. Dinga ngang kin, enim Gos ek piim mił, ek kend niłmin wumb ei, to mani kindinmin. Nimbił erang, Gos Gui Ka enim noman tuk ełe mołum ei, dinga mendpił mołum.

⁵ Wumb ombu ek kend tok niłmin wumb ei, pii gii ninenjing mei ełe wumb molk kin, ya mei ełe, ek kend tok pii gii ninenjing wumb kin, ngok enjing ei, piik er mulnjung. Nimbił erang ek ei nge pii gii ninenjing wumb pei mołmun ei, en enim ek kend tok niłmin ek ei piilmin.

⁶ Ba sinim Gos nge wumb tilap ele mołmun. Molk kin, pe nga wumb nii endi, Gos pii poł topu kin, pe nga sinim ek nipin ek ei, eim ekii simba ku. Pe wumb nii endi, eim Gos nge wumb tilap ele mulerang kin, wumb ei yi ku, sinim ek nemin kin, ekii sinermba mon ku. Oł yi erngii ei, sinim kapli, kanpin kin, pii poł topun erpin kin, wumb ei keimi, Gos Gui Ka nge tor orum min, ek kend tołum gui ni tor opu kin, sinim kanpin kin pii poł tumun.

Gos Eim Wumb Noman Ngołum

⁷ Nanim angnan noł; sinim kapli wumb eipi eipi endi kin noman kołpun yi ermin! Erpin kin, ei nimbił erang, noman kultmun oł ei Gos eim kin tor orum. Wang kin, wumb nii endi wumb noman kultmun oł ei, ermba wumb ei, eim Gos nge kingam mendpił mołpu kin, nga eim Gos pii poł topu mołum.

⁸ Wumb nii endi, eim wumb noman kultmun oł ei enanim ei, eim Gos pii poł tunanim mon ku. Nimbił erang Gos eim wumb noman kułum pulwu mołum.

⁹ Oł ei nge Gos sinim kin noman kułpu kin, eim kingam endeim mendpił, ya mani mei ele kindang, opu kin, ond peri ele kołpu kin, sinim ngum. Ngang kin, sinim kapli konj kunum kunum sipin kin, mołpun bin ei, eim kin sinjpin.

¹⁰ Noman kułumun oł ei, pułe yi mił pałim. Gos eim kumb se, sinim kin noman kultum. Kołpu kin, nga sinim eim kin, ekii se noman kułmun. Ba eim kumb se sinim kin noman kułpu kin, eim kingam Jiisas Kraiss kindang kin, ya mani mei ele opu kin, ond peri ele kołpu kin sinim oł kis

kun pinerim oł enjpin ei, Gos sinim kumep kis ei Kraiss kin kindang kin, Kraiss eim je sinim oł kis kil ngopu si kindim.

¹¹ Nanim angnan noł; Gos eim kingam endeim mendpił kindang kin, mani mei ełe opu kin, sinim kin kulmba nge om. Yi erang opu kin, Gos sinim kin noman kulpu yi erpi kin, sin sinim kaplı wumb endi, endi ni noman kulang kin, yi mił ku eramin!

¹² Sinim wumb endi kaplı, Gos kinanmin mon! Ba sin sinim endeim endeim ni, noman kulang kin, yi ermin ei, kaplı Gos eim sinim noman tuk ełe mołum. Mołpu eim sinim kin, kongun yi erang kin, wumb noman kultmun oł ei, am ka wii tonu wang kin, sinim noman tuk ełe er mułmba.

¹³ Oł ełe nge, sinim piinmin ei Gos eim Gui Ka sinim noman ełe tuk kindang kin, opu mołum. Mołpu kin, sinim kaplı piinmin ei, Gos sinim kin noman tuk ełe mołum. Nga sinim eim kin dambiltpin se ende mołpun kin, molk punmun.

¹⁴ Nga sinim kenjpin kin, wumb eipi kin ni tor kindpin kin, “Gos eim kingam mei ełe mani kindang kin opu pendpi kin, mei konu ełe wumb pei, sip orung simba nge om.” Opu kin, sinim ek poł ei, pe ek ni tor kindpin kin, wumb ngonmun.

¹⁵ Pe nga wumb nii endi, ek ni tor kindmba ei, eim “Jiisas Gos kingam endeim mendpił mołum,” nimba wumb ei, Gos eim wumb ei kin mułang kin nga wumb ei Gos kin moł mandi pupu kin mołum.

¹⁶ Yi mił erang, sinim piipin kin, pii gii nipin ei, Gos sinim kin am noman mendpił kultum. Kołpu kin, Gos eim noman kultum pułwu mołum. Nga wumb nii endi eim wumb kin noman kultum

wumb ei, Gos eim kin tep to moꞑang kin, nga eim Gos kin tep to moꞑum ku.

¹⁷ Oꞑ eꞑe nge pe Gos sinim kin tep to moꞑpu kin, eim erang sinim wumb noman kultmun oꞑ ei, kun ka keimi tonu onum. Opu kin, ei nge, ekii se Gos eim wumb mok topu kin, kos piimba kunum owundu ei, sinim kapꞑi Gos kin, mund mong kulermun mon. Nimbil erang, Gos eim wumb noman kultum miꞑ, sinim ya mei eꞑe mulnjpun kunum ei, Kraisi ei eim kin noman kulꞑun yi enjpin.

¹⁸ Yi miꞑ erang, mund mong kultmun oꞑ ei, ende tuk eꞑe noman kultmun eꞑe pep ende kindnaꞑim mon. Ba Gos kin noman kultmun kun ka oꞑ ei pepi kin, mund mong kultmun oꞑ ei top tor kindnim. Kindpi kin wumb nii endi mund mong kulk muꞑngii ei, Gos kin noman kultmun oꞑ ei tuk eꞑe, wumb ei kin, pinaꞑim mon. Ba eim mund mong kulꞑu kin, Gos kos piipi kin wumb mok topu ermba kunum eꞑe, noman to piinim ei, Gos kin noman kultmun oꞑ ei tuk eꞑe pinaꞑim mon.

¹⁹ Sinim Gos kin noman kultmun ei, puꞑe yi miꞑ paꞑim. Gos eim sinim kin kumb se noman kultum.

²⁰ Kulꞑu kin, wu nii endi, eim angim kanpi kin, kan kis kaninim ei, eim kin noman kulermba ei, nga Gos eim kinanim ei noman kulmba miꞑ nenj? Yi ermba miꞑ pinaꞑim mon. Pe nga wu nii endi eim yi nimba, nanim Gos kin noman kult, pa yi nimba; ba eim angim kin noman kulmba ei, eim ek kend wu, mendpiꞑ moꞑum.

²¹ Yi miꞑ erang, sinim kin Kraisi ek dinga endi, yi miꞑ nipi ngum, “Wumb nii endi, eim Gos kin noman kulꞑum kin, nga yi ku, wu angim kin yi ku

noman kulpu ngumba.”

5

Pii Gii Ninmin Wumb Ei Mei Ete Wumb Oł Kis Kanim Kanim Ombu Kambik Mani Kindinmin.

¹ Wumb nii endi, Jiisas eim Gos kindim wu Kraiss ni pii gii nimba wumb ei, Gos eim nge kingam ambilam noł mendpił mołmun. Pe nga wumb nii endi, eim arim ei noman kulpu wumb ei, arim nge kingam noman kulmba ku. Yi mił ku, wumb endi sinim Erinjpin Gos kin, noman kulum kin, nga eim nge kingam kin yi ku noman kulpu ngumba ku.

² Oł ełe nge pe sinim piinmin ei sinim Gos nge kingam ambilam noł noman kultmun ni piimin? Piipin kin, kunum ełe, sinim Gos kin noman kulpun kin, pii gii nipin kin, nga eim ek dinga nipi ngum ei, ekii sipin ermin.

³ Yi mił erang, sinim keimi am Gos eim kin noman kulpun kin, pułe yi mił. Kaplı sinim Gos ek dinga nipi ngum ek ei, sinim ekii sipin ermin. Erpin kin, nga eim ek dinga nipi ngum ei, sinim piipin kin, ek dinga ei, sinim kin embin pinermba mon.

⁴ Yi mił erang, kingam noł Gos nge mołmun pei ei, kaplı Gos eim ek dinga nipi ngum ei, ekii sik erngii. Erik kin, wumb oł kis kanim kanim ombu, kaplı kambik mani kindik kin, mei wumb oł kis kanim kanim ei, to tor kindik kin, si kindngii. Kindik kin, pe sinim Jiisas kin pii gii nipin kin Gos eim ek nirim mił ei, ekii sinjpin kin, sinim kaplı ya mei ełe wumb oł kis kanim kanim tonu omba ei, kaplı to mani kindmin.

⁵ Yi mił, wumb nii endi, kapli eim ya mei ele wumb ol kis kanim kanim tonu omba ei, to mani kindmba. Kindmba wumb ei, eim Jiisas eim Gos nge kingam mendpił ni pii gii nimba. Wumb ei, eim mendpił kapli mei ele, ol kis ombu, kapli to mani kindmba.

Jiisas Kraiss Eim Mei Ele Opu Kongun Erim Ek Ei, Ni Tor Kindim

⁶ Jiisas Kraiss eim ya mani mei ele orum. Opu kin, eim noł pirim. Pepi kin, ond peri ele kolpu kin, eim miyem ei bein turum. Topu ku, eim noł mendpił pimba nge onerim; ba noł pepi kin, ond peri ele kolpu kin eim miyem bein turum.

⁷ Nimbił erang ol erim ele, sinim piinmin ei, eim Gos nge Gui Ka ol kun keimi mendpił pulwu ei, eim ol ei ni tor kindrim ek ei keimi nipi mołum.

⁸ Gos Gui Ka ei kin, noł pim ei kin, Jiisas eim nge ond peri ele kolup kin, miyem bein tum ei kin, epi tekliki kei ombu, ek ende mił keimi nik tor kindinmin.

⁹ Yi mił, sinim wumb ninmin ek ei pii gii ninjpin kin, kapli Gos ninim ek ei pii gii nimin ku. Nimbił erang Gos ninim ek ei, ek dinga mendpił ei, eim ninim ek ei, eim kingam Jiisas kin ek ei nipi tor kindrim.

¹⁰ Wumb nii endi, eim Gos nge kingam Jiisas kin pii gii nim kin, eim kin noman tuk ele pimba ei, Jiisas eim Gos kingam keimi ni piimba; ba wumb nii endi, Gos ek ninim ei, pii gii ninenjing kin, Gos eim nanim kingnan Jiisas pa nirim ek ei, ek kend tum ni yi piingii. Nimbił erang eim Gos eim kingam Jiisas kin nirim ek ei, pii gii ninenjing mon.

11 Nga eġe nge, Gos eim sinim kin ni tor kindiġim yi miġ nirim ei, Gos noman konj kunum kunum moġuġum ngurum ei, noman konj ei, eim kingam Jiisas puġwu ei, eim ngang kin sinim simin.

12 Pe nga wumb nii endi, eim Gos nge kingam Jiisas kin pii gii nimba wumb ei, eim noman konj kunum kunum moġuġum ei, sipi moġum. Pe nga wumb nii endi, eim Gos nge kingam Jiisas kin pii gii ninermba wumb ei, eim konj kunum kunum moġuġum ei, wumb ei eim kin mulermba mon.

Konj Kunum Kunum Moġuġum

13 Na mon ei poġup kin enim kin ngond ei, wumb nii endi, eim Gos kingam embe eġe, pii gii ninjing kin, kapġi enim piingii ei, enim noman konj kunum kunum moġuġum ei sinjing.

14 Kapġi pe sinim Gos nge kumb eġe, omun kunum ei, sinim tungu enanmin. Nimbiġ erang sinim keimi piinmin ei, sinim nipe epi endi, Gos nge noman paġim miġ, ekii sipin kin, kii simin ei, kapġi Gos kom se piipi kin, ekii se eim sinim kapġi epi ei ngumba.

15 Pe sinim pii gii keimi ninmin ei, eim piinim ni piimin ei, kapġi sinim simin ni kii sinjpin kin, epi ei ngang kin simin.

16 Pe wumb nii endi, eim kinang pii gii ninjing wumb angim endi, oġ kis kun pinerim miġ endi erpi kin, dup konu kis eġe punermba miġ endi pim kin, kapġi eim prei erpi kin, Gos kii seng kin, kapġi Gos wumb ei kin paki top kin, sipi orung sipi kin, noman konj kunum kunum moġuġum ei, ngang simba. Ba wumb kombur Gos Gui Ka kin ek buġ ambilk ek kis ngungii ei, er sipipi kin dup konu

kis eġe kindang kin, pungii er muġngii ei, na enim prei erik kin, Gos ngungii ei, na ninand mon.

17 Pe oġ kanim kanim kun pinaġim miġ enim oġ ombu ei, ei oġ kis ombu paġim; ba oġ kis kombur enim ei, dup konu kis eġe punerngii miġ endi paġim.

18 Sinim piinmin ei, Gos nge kingam endi tonu opu muġum ei, oġ kis kun pinaġim miġ ei, kunum kunum enaġim mon. Nimbiġ erang Gos nge kingam Jiisas wumb ei tep ka erpi, paki tang kin, pii gii dinga ni er muġmba. Yi er muġang kin, Seisen eim wumb ei kin mandi pupu ambilpi kin, to kis ermba pinerim mon.

19 Sinim piinmin ei, sinim Gos nge kingam noġ mendpiġ moġmun. Moġangin kin, nga pii gii ninenjing wumb pei, en enim oġ kis puġwu Seisen nge angii eġe molk kin, eim dinga eġe, kongun erik kin, andik puk moġmun.

20 Nga sinim piinmin ei, Gos nge kingam ya mani mei eġe om ei opu kin, sin paki topu sinim noman ka wii ngang kin, Gos kin keimi mendpiġ pii poġ tonmun. Nga sinim eim kingam Jiisas Kraiss eim kin dambiltik se ende puk moġmun. Nga yi miġ ku, sinim Gos keimi eim kin dambiltik se ende puk moġmun. Moġpun kin, Gos eim Gos keimi mendpiġ; nga Gos eim konj kunum kunum puġwu moġum ku.

21 Nanim kingnan noġ! Enim Gos kin pii gii dinga peng molk kin, enim ek kend gos kin mandi pu mulerngii.

Gos Nge Ek Ka Ei Sinim Kin Ngołum
The New Testament in the Nii Language of Papua New
Guinea

Nupela Testamen long tok ples Nii long Niugini

copyright © 1980 Wycliffe Bible Translators, Inc.

Language: Nii

Dialect: Central Wahgi

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-04-23

PDF generated using Haiola and XeLaTeX on 18 Apr 2025 from source files dated 31 Aug 2023

57529bce-9e23-5350-904d-243a1b359818